

IBhayibheli LaBantwana Likulethela



Inceku kaNkulunkulu



Ibhalwe ngu: Edward Hughes
Kwabonakala ngu: Byron Unger; Lazarus

Itolikwe ngu: Goodwill Sithembiso Gwala
Ifanekiswe ngu: E. Frischbutter; Sarah S.

Indaba 37 kwezingu 60

www.M1914.org

Bible for Children, PO Box 3, Winnipeg, MB R3C 2G1 Canada

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.

isiZulu

Zulu

Ethempeli likaNkulunkulu kwakukhona umpri-
stidala okuthiwa uZakariya. UZakariya wayeshisa
impepho. Ngaphandle kwethempeli
abantu babethandaza belindele
izwi kuZakariya. Washawa
uvalo uZakariya.



Kwafika ingelosi yathi, "Musa ukusaba ngisithunywa
sikaNkulunkulu. Unkosikazi wakho uzothola
indodana.



Igama lakhe akube uJohane. Uzongenywa umoya ongcwele ekuzalweni kwakhe futhi uzogququla abantu abaningi."



3

Waphuma uZakariya ethempeli. "Khuluma nathi phela Zakariya." kwathi nya! Abantu badideka kanti ababengakwazi ukuthi uGabriyela, ingelosi kaNkulunkulu, wathi ngeke akwazi ukukhuluma kuyoze kube iyazalwa indodana yakhe ngoba wayengawukholwa



lomyalezo.

4

Phela wayecabanga ukuthi inkosikazi yakhe yayisikhule kakhulu ukuthi ingathola umntwana.



5

UZakariya wafika ekhaya wabhala konke okwashiwo ingelosi. Unkosikazi wakhe, u-Elisabethe, wamangala. Kade babethandazela umntwana. Ngabe usuyaphendulwa umthandazo wabo?



6

Kafishane u-Elisabethe wayesazi ukuthi umntwana useyeza. Wamudumisa kakhulu uNkulunkulu. Ngelinye ilanga kwavakasha uMariya, umzala ka-Elisabethe. Naye wayezothola umntwana.



7

Ngenkathi efika uMariya, u-Elisabethe wathinta uMariya ukuzwa umntwana. Wathi ekwenza lokho wathintwa umoya oyingcwele wazi lapho ukuthi umntwana kaMariya Inkosi uJesu Kristu. Bobabili bagcwala intokozo bamudumisa kakhulu uNkulunkulu.



8

Umntwana ka-Elisabethe wazalwa njengokusho kukaNkulunkulu. "Muqambe ngokuthi uZakariya njengoyise." kusho abanye abapristi besho kuZakariya. Uzakariya wakhumbula umyalezo kaNkulunkulu. "Cha! igama lakhe kuzoba uJohane." Wathi eqeda ukubhala lawomagama labuya izwi, wakwazi ukukhuluma. Wamudumisa kakhulu uNkulunkulu.



9

Ngenkathi ekhula uJohane wayefana ncamashi nenceku yaNkulunkulu u-Elayi ja ngokwezenzo. uJohane wabatshela ukuthi uyeza umsindisi ezobusisa abantu bakhe.



10

Abahholi bamaJuda babemzonda uJohane ngoba wathi: "Guqukani, shiyani isono." Labahholi babengafuni ukutshelwa ngezono zabo.



11

Abanye babembiza 'uJohane uMbhapathizi' ngoba wayecwilisa abantu emanzini ukukhombisa ukuthi bayazisola ngezono zabo futhi bakhetha ukuguquka. Ngelinye ilanga kwafika uJesu eze kuJohane ezobhabhadiswa naye. "Ngibhabhadise nami," kusho uJesu. Nangempela wamubhabhadisa uJohane.



12

Emva kokubhabhadiswa kukaJesu, uJohane wawubona umoya oyingcwele wehlela kuJesu njengejuba. Lokhu kwakuyindlela yaNkulunkulu yokukhombisa ukuthi indodana yakhe uJesu. UJohane wayebiza uJesu ngewundlu likaNkulunkulu elizohlamba izono zezwe.



13

uJohane waguqula abantu abaningi kodwa uHerode owayephethwe endaweni wayenehliziyo embi futhi elikhuni. Wambopha uJohane. "Kuyisono ukuthatha uHerodiya, unkosikazi kabhuti wakho njengomkakho," uJohane exhwayisa uHerode. Uherode wayelazi iqiniso. Weyazi ukuthi uJohane inceku kaNkulunkulu, indoda eqotho futhi engcwele.




14

Kodwa uHerodi wayesikhonzile isono futhi engazimisele ukusishiya phansi. UJohane wayengeke ayeke ukumshumayeza ngevangeli ngisho engamlonda.



15

Kwathi sekufikile usuku oluhle, lapho uHerode ngosuku lokuzalwa kwakhe ezenzela idili. kwangena indodakazi kaHerodiya uqobo, yasina, yajabulisa uHerode.




16

Inkosi yayisithi entombazaneni: "Cela kimi noma yini okuthandayo, ngizakukunika." Wafunga kuyo, wathi: "Noma yini ongakucela kimi ngizakukunika, nakuba kungaze kube yingxenye yombuso wami."



17

Yayisiphuma, yathi kunina: "Ngizakucelani na?" Unina, owaye umuntu ongalungile futhi emuzonda uJohane, wamutshela ukuthi afuneni! Kwakukubi kakhulu!



18

"Ngithanda ukuba ungiphe khona manje ngoqwembe ikhanda likaJohane uMbhapathizi." Inkosi yadabuka kakhulu, kepha ngenxa yezifungo yasigcina isithembiso sayo. "Nquma ikhanda likaJohane ulilethe kumi," kusho uHerode eyalela ibutho lakhe.



19

Kwababuhlungu ngenkathi abangani baJohane sebengcwaba inceku kaNkulunkulu eyayinesibindi futhi ethembekile. UJohane wayesewuqedile umsebenzi kaNkulunkulu. Abangani baJohane bebazi ukuthi uJesu uzobaduduzana ngalesikhathi esinzima.



20

Inceku kaNkulunkulu

Indaba evela kwiZwi laNkulunkulu, iBhayibheli,

Itholakala

Mark 6; Luke 1, 3

"Ukwambulwa kwaMazwi Akho kuyakhanyisa."
AmaHubo 119:130

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa.

uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwethelwe izono zethu. **UJesu wase evuka ekufeni** wanyukela ezulwini. Manje uNkulunkulu engasithethelele izono zethi.

Uma ufuna ukuphenduka esonweni sakho, ithi kuNkulunkulu: Nkukulunkulu, ngiyakholwa ukuthi wangifela esiphambanweni, manje uyaphila futhi. Ngicela ungene empilweni yami futhi ungithethelele izono zami, ukuze ngizoba nempilo entsha, khona ngizoba Nawe kuze kube phakade. Ngisize ngiphilele Wena njengomntwana Wakho.
Ameni Johane 3:16.

Funda iBhayibheli futhi khuluma noNkulunkulu nsuku zonke!